

# Daudi na Goliya

(David e Golias)

Usemi wa nkitabu ca I Samuweli, Sura ya 17



## **Vya Kudairi**

1. Goliya ákiwa nani?
2. Eliyabi ákiwa nani?
3. Noyo Tarehe-yo nfalume wa Iziraeli akitiwa nani?
4. Goliya akisaka kukotola vita ya masurudadu wa vipinga vyo viwiri. Kâmba mwaja?
5. Daudi kâkimiwa konta ya kinani?
6. Nani atemire vita?

---

### **Ficha Técnica**

Título: Daudi na Goliya  
(David e Golias)  
(David and Goliath)

Língua: Kimwani

Artista: Jhonel Rosales Córdova

Primeira edição electrónica, 2010

Produzido por: JUWA  
lidemo.net@gmail.com  
C.P. 652  
Nampula, Nampula  
Moçambique



Goliya akigwa. Daudi akituwirira noko.  
Akintupula kiswa.

Masurudadu wa mafilishiteu. Wammona  
ntemi wawo kuwa kafwa. Ukiwapata wofi  
wakitira.

Masurudadu wa Iziraeli wakipita  
wakiwafulata. Wakiwolaya mafilishiteu.  
Daudi kanshinda Goliya kwa uwezo wa  
Mwenyezimungu.




Enzi zâtaware nabi Saulu, masurudadu  
wa mafilishiteu wâja kutenda vita inti ya  
Iziraeli. Goliya ndi áwere ntemi wa  
mafilishiteu. Goliya ákiwa nrefu pakulu  
sana. Urefu wake úkiwa wa miima 3.  
Sulaha zake zikiremera pakulu futi.  
Akiwanawo kilemba ca shaba, ákiwa na  
vyuma mmaulu na nkuki wa shaba.



Goliya kawakuwira masurudadu wa Iziraeli.  
Masurudadu uwapata wofi pakulu.  
Iye akikuwa akamba javi:  
- Musaka titende vita? Ya kinani?



Goliya ákiwa pepi. Daudi akitupa mara moja akitaya riwe nfubewe. Akisasanya fubewe. Riwe rikiruka rikimpanja Goliya pacenye. Rikintolola rikingira nkiswa.



Daudi akinjibu:

-Uwe unijirira omi na upanga na kinga. Omi nikuja kwa zina ra Mwenyezimungu.

Mwenyezimungu rero akutema. Wanu piya rero wakwijiwa kuwa Iziraeli kawapo Mwenyezimungu. Ipate Iziraeli wantumaini Mwenyezimungu basi, wasiwatumaini wanu. Mwenyezimungu akupereka mmakono mwetu.



Akikuwa tena:

- Eu mwahã-u tilamure wanu wawiri basi. Munu mmoja wa upande wa Iziraeli na omi nikuwa upande wa mafilishiteu. Munu wenu-yo akinulaya ofwe tikuwa watwana wenu. Aula nikumulaya omi, umwe mukuwa watwana wetu.

Nlavyeni munu mmoja wamuntumaini aje tibiyane.



Nfalume Saulu akisira. Iye pamoja na masurudadu wake wengira koopa. Wakintira Goliya. Goliya akitenda novire muda wa suku 40. Goliya akitukana daima usiku na nsaana, subuu na jironi. Iye akiritula kuwa nkulu. Piya masurudadu wakimopa.



Goliya akimmona Daudi. Daudi kisimana ntoto javi. Goliya akikimiwa. Akindairi:  
- Mumpereka kisimana-kamba-yu ebiyane nomi? Aapo mwananlume nkulu? Goliya akamba tena:  
- Uwe ukuja na ngombo wibiyane nomi? Uwe udaniza kuwa omi niwa umbwa?



Daudi akasa sulaha-zire piya. Akasa akúka kuvita. Akisukula mawe matanutu basi. Ákiwa munrumba mwake ntoto javi-pa. Iye kâtumira mawe na fumbewe.



Daudi ndi áwere mwana Kifindi wa Yese. Wawaiye kântuma kuka kuwawona wanyenzeze. Kôka kúwapa cakurya wanyenzeze kuvita. Wawa ire akisaka ejiwe hali ya wanawe, kamba wangari wakomu.





Kweli-kwelini Daudi akifika akiwasingana wanyenzeze ware. Masurudadu ware, wakimwambira Daudi ire javi:

-Kawapo mwananlume mmoja, akwitiwa Goliya. Atitukana pakulu. Wakati wawakintongera Daudi, Goliya akilamuka. Akanza kutukana. Daudi akisikira. Iye akikimiwa.



Saulu akimwambira Daudi:

- Uka na Mwenyezimungu.

Saulu akitumaini kuwa Daudi antema Goliya. Iye vikimwajibu kumwavya Daudi. Kámpa sulaha zakuremera pakulu. Daudi aakidirire.



Daudi akimwambira nfalume javi:  
- Usimope Goliya. Saulu kadaniza kuwa Daudi aritula.

Daudi akimwambira nfalume javi:  
- Omi nibiyana na simba. Mwenyezimungu kanipa ushinda. Nibiyana na nrwani na nimulaya. Kâwakola makondoo. Akisaka awatafune. Mwenyezimungu kaninusuru nkanywa mwa Simba. Kaninusuru nkanywa mwa nrwani. Na mmakono mwa Goliya aninusuru novyo. Iye kankutenda ushinda na masurudadu wa Mwenyezimungu.



Masurudadu wakindairi:  
- Mwananlume ari kutitukana ire kummona? Nfalume Saulu akamba, munu asaka kukidiri kumalaya onse nintuza. Anlomba mwana wa nfalume. Daudi akamba: Nani noire munu ire? Iye kankuwatukana masurudadu wa Mwenyezimungu hai.



Eliyabi ndi áwere mwana kifundi wa Yese, nyenyeye Daudi. Iye akamba:  
- Uwe, kuno kuja kutenda kinani? Daudi, ludira ukaya. Ukasungire makondoo. Umani-u, wa masurudadu. Siwo wa wasimana.



Masurudadu ware wansikira Daudi akidairi javi:  
- Nfalume kamba kuwa munu asaka kukidiri kumulaya Goliya, akumpa kinani?  
Daudi asaka ebiyane naye. Wakimwambira nfalume Saulu. Iye akimwitisa.